



O‘ZBEKISTON RESPUBLIKASI YOSHLAR ISHLARI AGENTLIGI DIREKTORINING BUYRUG‘I

20 25 y. “ 10 ” yanvar

N^o 01-10/08

Mahallalarda “Yoshlar balansi”ni shakllantirish ishlarini tashkil etish to‘g‘risida

O‘zbekiston Respublikasi Prezidentining “Mahallalarda yoshlar bilan ishlash tizimini tubdan takomillashtirish chora-tadbirlari to‘g‘risida” 2022-yil 19-yanvardagi PQ-92-son qarorining 2-bandi ikkinchi xatboshisida belgilangan vazifalar ijrosini ta‘minlash maqsadida

B U Y U R A M A N:

1. “Yoshlar daftari” va “Yoshlar portali” elektron platformalariga kiritib borish uchun mahalla – tuman – viloyat – respublika miqyosida “Yoshlar balansi” shakllantirilsin.

2. “Yoshlar balansi”ni shakllantirish bo‘yicha Respublika shtabi tarkibi 1-ilovaga, hudud va tuman (shahar)larda tashkil etiladigan namunaviy shtab tarkibi 2-ilovaga, Mahallalarda “Yoshlar balansi”ni shakllantirish natijasida aniqlangan ma‘lumotlar asosida 2025-yilda amalga oshiriladigan dastur va loyihalar bo‘yicha chora-tadbirlar 3-ilovaga asosan tasdiqlansin.

3. Chora-tadbirlarda belgilangan vazifalarning o‘z vaqtida, to‘liq va sifatli bajarilishi yuzasidan javobgarlik mas‘ul ijrochi bo‘lgan Agentlikning markaziy apparati tarkibiy tuzilmalari va hududiy bo‘linmalari rahbarlari zimmasiga yuklansin.

4. Qoraqalpog‘iston Respublikasi, viloyatlar va Toshkent shahar yoshlar ishlari boshqarmalari boshliqlariga:

“Yoshlar balansi”ni shakllantirish jarayonlarini tashkil etish hamda o‘tkazish bo‘yicha hudud va tuman (shahar)larda shtab faoliyatini yo‘lga qo‘yish;

“Yoshlar balansi”ni shakllantirish jarayonlarini tizimli ravishda o‘tkazish hamda ushbu jarayonlarda yoshlar yetakchilarining qo‘shimcha ishlarga jalb etilmasligini ta‘minlash;

“Yoshlar balansi”ni shakllantirish natijasida aniqlangan ma’lumotlar asosida 2025-yil davomida “Yoshlar bandligi dasturi”, “Og‘ir” toifadagi yoshlar bilan ishlash va boshqa tegishli yo‘nalishlarda loyihalarni amalga oshirish vazifalari yuklansin.

5. Ushbu buyruq ijrosini nazorat qilish Agentlik direktorining o‘rinbosari F. Ablayarov zimmasiga yuklansin.

Direktor



A. Sa'dullayev

**“Yoshlar balansi”ni shakllantirish bo‘yicha Respublika
SHTABI TARKIBI**

1. F. Ablayarov – Yoshlar ishlari agentligi direktori o‘rinbosari
(*shtab rahbari*)
2. Z. Ataxanov – Bolalar, xotin-qizlar, ta’limdagi yoshlarni, volontyorlik
faoliyatini qo‘llab-quvvatlash va ekologik diplomatiya
boshqarmasi boshlig‘i
3. Lavozimiga ko‘ra – Yoshlar ma’naviyatini yuksaltirish va bo‘sh vaqtini
mazmunli tashkil etish bo‘limi boshlig‘i
4. Lavozimiga ko‘ra – “Yoshlar balansi”ni muvofiqlashtirish bo‘limi boshlig‘i
5. M. Amreyeva – Yoshlar bandligi va tadbirkorligiga ko‘maklashish
bo‘limi boshlig‘i
6. B. Sindarov – Axborot kommunikatsiya texnologiyalarini joriy etish
va raqamlashtirish bo‘limi boshlig‘i
7. Sh. Xonimov – Mahalladagi yoshlar yetakchilari faoliyatini
muvofiqlashtirish va metodologik ta’minlash bo‘limi
boshlig‘i
8. A. Alimov – Yoshlarni harbiy-vatanparvarlik ruhida tarbiyalash,
ularning huquqiy savodxonligini oshirish bo‘limi
boshlig‘i
9. Q. Bobokulov – Axborot-tahlil va ijro nazorati bo‘limi boshlig‘i
10. I. Oxunov – Strategik rejalashtirish, istiqbolli loyihalar va
metodologiya bo‘limi boshlig‘i
11. L. Mirzodilov – “Yoshlar balansi”ni muvofiqlashtirish bo‘limi bosh
mutaxassisi (*shtab kotibi*)

**Hududlar va tuman (shahar)larda “Yoshlar balansi”ni
shakllantirish bo'yicha tashkil etiladigan**

SHTAB TARKIBI

1. *Lavozimiga ko'ra* - Yoshlar siyosati, ijtimoiy rivojlantirish va ma'naviy-ma'rifiy ishlar bo'yicha viloyat hokimining o'rinbosari (*shtab rahbari, kelishuvga asosan*)
2. *Lavozimiga ko'ra* - Yoshlar ishlari agentligi hududiy boshqarma boshlig'i (*shtab rahbari o'rinbosari*)
3. *Lavozimiga ko'ra* - Yoshlar ishlari agentligi hududiy boshqarma boshlig'i o'rinbosari
4. *Lavozimiga ko'ra* - Axborot-tahlil va ijro nazorati bo'yicha bosh mutaxassis
5. *Lavozimiga ko'ra* - Murojaatlar bilan ishlash bo'yicha bosh mutaxassis
6. *Lavozimiga ko'ra* - Yoshlar ma'naviyatini yuksaltirish va bo'sh vaqtini mazmunli tashkil etish bo'yicha bosh mutaxassis
7. *Lavozimiga ko'ra* - Yoshlarni harbiy-vatanparvarlik ruhida tarbiyalash, ularning huquqiy savodxonligini oshirish, yoshlar huquqbuzarligi va jinoyatchiligi profilaktikasiga ko'maklashish bo'yicha bosh mutaxassis
8. *Lavozimiga ko'ra* - Mahallalardagi yoshlar yetakchilari faoliyatini muvofiqlashtirish bo'yicha bosh mutaxassis
9. *Lavozimiga ko'ra* - Bolalar, xotin-qizlar va ta'limdagi yoshlarni va volontyorik faoliyatini qo'llab-quvvatlash bo'yicha bosh mutaxassis
10. *Lavozimiga ko'ra* - “Yoshlar balansi”ni muvofiqlashtirish va yoshlarni kasb-hunarga yo'naltirish bo'yicha bosh mutaxassis (*shtab kotibi*)

**Tuman (shahar)larda “Yoshlar balansi”ni shakllantirish
bo'yicha tashkil etiladigan**

SHTAB TARKIBI

1. *Lavozimiga ko'ra* - Yoshlar siyosati, ijtimoiy rivojlantirish va ma'naviy-ma'rifiy ishlar bo'yicha tuman (shahar) hokimining o'rinbosari
(*shtab rahbari, kelishuvga asosan*)
2. *Lavozimiga ko'ra* - Yoshlar ishlari agentli tuman (shahar) bo'lim boshlig'i
3. *Lavozimiga ko'ra* - Mahallalardagi yoshlar yetakchilari bilan ishlash, yoshlarning bo'sh vaqtini mazmunli tashkil etish, xotin-qizlar faolligini oshirish bo'yicha bosh mutaxassis
(*shtab kotibi*)

**Mahallalarda "Yoshlar balansi"ni shakllantirish natijasida aniqlangan ma'lumotlar
asosida 2025-yilda amalga oshiriladigan dastur va loyihalar bo'yicha
CHORA-TADBIRLAR**

№	Chora-tadbirlar nomi	Muddati	Mas'ul ijrochilar
1.	Mahallalarda "Yoshlar balansi"ni shakllantirish.	2025-yil, 13-yanvardan	"Yoshlar balansi"ni muvofiqlashtirish bo'limi, hududiy yoshlar ishlari boshqarmalari, tuman (shahar) yoshlar ishlari bo'limlari
2.	Mahallalarda "Yoshlar balansi"ni shakllantirish jarayonlarida yoshlar yetakchilarining to'liq ishtirokini ta'minlash.	2025-yil, 13-yanvardan	Mahalladagi yoshlar yetakchilari faoliyatini muvofiqlashtirish va metodologik ta'minlash bo'limi (Sh. Xonimov) , hududiy yoshlar ishlari boshqarmalari, tuman (shahar) yoshlar ishlari bo'limlari
3.	"Yoshlar balansi" elektron tizimini takomillashtirish.	2025-yil, 13-20-yanvar	Axborot-kommunikatsiya texnologiyalarini joriy etish va raqamlashtirish bo'limi (B. Sindarov) , "Yoshlar balansi"ni muvofiqlashtirish bo'limi
4.	Shakllantirilgan "Yoshlar balansi"ga asosan Agentlik tizimida 2025-yil davomida yoshlar bilan amalga oshirish zarur bo'lgan, shuningdek, yangi yo'lga qo'yish lozim bo'lgan loyiha hamda dasturlar bo'yicha taklif va tavsiyalar ishlab chiqish.	2025-yil, fevral	Strategik rejalashtirish, istiqbolli loyihalar va metodologiya bo'limi (I. Oxunov) Agentlikning markaziy apparati boshqarma va bo'limlari
5.	"Yoshlar balansi"ni shakllantirish natijasida aniqlangan ishsiz, ta'lim muassasalari bitiruvchilari hamda xorijdan qaytib kelgan yoshlar bandligini ta'minlashga ko'maklashish.	2025-yil davomida	Yoshlar bandligi va tadbirkorligiga ko'maklashish bo'limi (M. Amreyeva) , hududiy yoshlar ishlari boshqarmalari, tuman (shahar) yoshlar ishlari bo'limlari
6.	"Yoshlar balansi"ni shakllantirish natijasida aniqlangan ijtimoiy himoyaga muhtoj yoshlarni tegishli tartibda qo'llab-quvvatlash.	2025-yil davomida	"Yoshlar balansi"ni muvofiqlashtirish bo'limi, hududiy yoshlar ishlari boshqarmalari, tuman (shahar) yoshlar ishlari bo'limlari
7.	"Yoshlar balansi"ni shakllantirish natijasida aniqlangan jinoyatchilikka moyilligi mavjud bo'lgan yoshlar o'rtasida profilaktik tadbirlarni tashkil etish.	2025-yil davomida	Yoshlarni harbiy-vatanparvarlik ruhida tarbiyalash, ularning huquqiy savodxonligini oshirish bo'limi (A. Alimov) , hududiy yoshlar ishlari boshqarmalari, tuman (shahar) yoshlar ishlari bo'limlari

ҳуқуқбузарлик содир этишга мойиллиги бўлган ёшлар билан тизимли ишлаш, жазони ижро этиш муассасаларидан озод қилинган, ихтисослаштирилган ўқув-тарбия муассасаларидан қайтиб келган ёшларнинг ижтимоий-педагогик реабилитация қилиниши ва мослашувига кўмаклашиш.

3. Етакчилар ўзига бириктирилган маҳаллаларда фаолиятини қуйидаги асосий йўналишларда амалга оширади:

маданият ва санъатни тарғиб қилиш борасида – “Санъат ғунчалари” кўрик танлови, мақом, бахшичилик ва эстрада бўйича “Ёшлар овози”, “Ёш мусаввирлар” танловлари ҳамда “Камалак юлдузлари” болалар ижодиёт фестивалини ўтказади, шунингдек, ёшлар ва болалар театр жамоаларини ташкил этади;

соғлом турмуш тарзи ва спортни оммалаштириш борасида – мини-футбол, волейбол, баскетбол, стол тенниси, велоспорт, югуриш, шахмат, шашка, бадминтон, камондан отиш бўйича мусобақаларни ташкил этади, саломатлик учун 5 000 қадам юриш марафони ҳамда “Ёш эколог” акциясини ўтказади;

ахборот технологияларидан самарали фойдаланишни ташкил қилиш борасида – “Бир миллион дастурчи”, “Дастурлашга биринчи қадам” лойиҳаларини амалга оширади, киберспорт чемпионати ва “Ахборот технологиялари билимдони” танловини ўтказади;

маънавият ва китобхонликни тарғиб қилиш борасида – “Заковат” мусобақаси, “Қувноқлар ва зукколар”, “Зукко китобхон”, “Ёш китобхон”, “Ёш китобхон оила”, “Хорижий тиллар билимдони” ва “Ёш полиглот” танловлари ҳамда “Мунозара” интеллектуал ва миллий халқ ўйинларини ташкил этади;

ватанпарварлик рўҳида тарбиялаш ва ҳуқуқий саводхонликни ошириш борасида – “Ёш чегарачи”, “Ёш қутқарувчи”, “Қувноқ стартлар”, “Темурбеклар”, “Тўмарис маликалари”, “Шунқорлар”, “Ёш ҳуқуқшунос”, “Ёш сайловчи”, “Ёш депутат” танловлари ҳамда “Мен ҳам аскар бўламан” акциялари ва ҳарбий қисмларга саёҳатларни ташкил этади;

тадбиркорлик ғояларини қўллаб-қувватлаш борасида – “Ўзбекистон учун 100 ғоя” ва “Маҳалланинг ишбилармон тадбиркори” танловлари, “Бизнесга биринчи қадам” грант лойиҳаси ҳамда муваффақиятга эришган тадбиркорлар билан учрашувларни ташкил этади.

4. Етакчилар ушбу қарорнинг 3-бандида назарда тутилган тадбирлар маҳалладаги ёшларнинг қизиқишларини инобатга олган ҳолда ҳар кuni ўтказилишини таъминлаб борсин.



O‘ZBEKISTON RESPUBLIKASI PREZIDENTINING QARORI

2022 yil « 19 » январь

№ ПК–92

Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида

Ёшлар билан ишлашнинг янгича бошқарув механизмларини жорий этиш, улар билан ишлашнинг вертикал тизимини яратиш, ёшлар муаммоларини бевосита маҳаллаларда ҳал этиш, таълим муассасаларида маънавий-маърифий ва тарбиявий ишларнинг самарадорлигини янада ошириш мақсадида:

1. Ҳар бир шаҳарча, қишлоқ, овулда, шунингдек, шаҳарлар, шаҳарчалар, қишлоқлар ҳамда овуллардаги ҳар бир маҳаллада (кейинги ўринларда – маҳалла) **ёшлар етакчиси лавозими жорий этилсин.**

2. Қўйидагилар маҳалладаги ёшлар етакчисининг (кейинги ўринларда – Етакчи) **асосий вазифалари** этиб белгилансин:

“Ёшлар баланси”ни шакллантириш, ёшлар тўғрисидаги зарур маълумотларни “Ёшлар дафтари” ва “Ёшлар портали” электрон платформаларига киритиб бориш, улар билан самарали иш ташкил қилиш;

маҳаллаларда ёшларнинг бўш вақтини мазмунли ташкил этиш, миллий халқ ўйинлари ва спорт турларини ёшлар орасида оммалаштириш, Беш муҳим ташаббус лойиҳалари, ёшлар фестиваллари ва бошқа маданий-маърифий тадбирларни амалга ошириш;

ёшларнинг ижтимоий фаоллигини ошириш, иқтидори, истеъдоди ва ташаббусларини рағбатлантириш ҳамда ҳаётда ўз ўрнини топишларига кўмаклашиш;

ёшларни ватанпарварлик руҳида тарбиялаш ҳамда уларнинг интеллектуал жиҳатдан камол топишини ва маънавий ривожланишини таъминлаш;

Етакчи ёшларнинг тадбиркорлик ғояларини амалга ошириш, улар фаолиятига кредит, субсидия ва бошқа ёрдам чораларини жалб қилиш бўйича маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича **ҳоким ёрдамчиси билан ҳамкорлик қилади**;

Етакчи юқорида кўрсатиладиган ёрдам турларини беришни кўзда тутилган ҳар бир муурожаатнинг самарадорлиги ва мақсадга мувофиқлигини чуқур ўрганган ҳолда уларни бериш учун масъул идора ва ташкилотларга ўз тавсиясини тақдим этади;

Етакчи бериладиган тавсияларнинг асослилиги, ҳаққонийлиги ва адолатлилиги учун масъул ҳисобланади.

Ёшлар ишлари агентлиги Иқтисодий тараққиёт ва камбағалликни қисқартириш вазирлиги ҳамда Адлия вазирлиги билан биргаликда **уч ой муддатда** мазкур қарорга 1-иловада кўрсатилган ёрдам турларини беришни тартибга солувчи норматив-ҳуқуқий ҳужжатлардаги механизмларни ихчамлаштириш ва соддалаштириш юзасидан ҳукумат қарори лойиҳасини Вазирлар Маҳкамасига киритсин.

9. Қўйидагилар:

Вазирлар Маҳкамаси аппарати тузилмасида ходимларнинг умумий чекланган сони доирасида **3 нафар штат** бирлигидан иборат бўлган **Ёшлар ишлари шўъбаси**;

Ёшлар ишлари агентлиги, унинг ҳудудий бошқармалари ва бўлимлари тузилмаларида **маҳалла ва таълим муассасаларида ёшлар билан ишлаш бўлинмалари** ташкил этилсин.

10. Давлат олий таълим муассасалари ва уларнинг филиалларидаги **ёшлар масалалари ва маънавий-маърифий ишлар** бўйича проректорга (директор ўринбосарига) **биринчи проректор** (директорнинг биринчи ўринбосари) мақоми берилсин.

Давлат умумий ўрта таълим мактабларида директорнинг маънавий-маърифий ишлар бўйича ўринбосари ёшлар масалаларида идоралараро ҳамкорлик ва Етакчилар фаолиятига кўмаклашиш учун масъул деб ҳисоблансин.

11. Белгилаб қўйилсинки:

Ёшлар масалалари билан шуғулланиш ва ҳудудларда ушбу фаолиятни **мувофиқлаштириш** шахсан Қорақалпоғистон Республикаси Вазирлар Кенгаши Раиси, вилоятлар, Тошкент шаҳар ва туманлар (шаҳарлар) ҳокимлари томонидан амалга оширилади;

5. Ўзбекистон фахрийларининг ижтимоий фаолиятини қўллаб-қувватлаш “Нуроний” жамғармаси (Турдиев) ва Ёшлар ишлари агентлиги (Саъдуллаев):

ҳар бир маҳаллада “Бир нуронийга ўн нафар ёш”, “Кекса авлод учрашувлари” лойиҳаларини амалга оширсин;

Ўзбекистон Миллий телерадиокомпанияси ва Ўзбекистон Миллий ахборот агентлиги билан биргаликда “Ёшлар нуронийлар эътиборида” **руқни остида туркум кўрсатувлар** тайёрланиши ва эфирга узатилишини таъминласин;

маҳаллаларда ёшларни Ватанга садоқат, миллий қадриятларга ҳурмат, мамлакатда амалга оширилаётган ислохотларга дахлдорлик, диний бағрикенглик ва миллатлараро тотувлик руҳида тарбиялашга қаратилган **туркум тадбирларни ташкил** этиш чораларини кўрсин.

6. Туризм ва спорт вазирлиги ҳамда Ўзбекистон спорт федерация (ассоциация)лари раҳбарлари:

ҳар чоракда ҳудудлар кесимида камида бир мартаба ҳаваскор ёшлар орасида мусобақалар ўтказилиши бўйича **йиллик режа-графикларини** тасдиқлаб, амалга оширилишини таъминласин;

мусобақаларда ижобий натижаларга эришган ёшлар спорт билан мунтазам равишда шўғулланиши ва профессионал спортчи бўлиб етишиши учун уларни ҳар томонлама қўллаб-қувватлаш чораларини кўрсин.

Маданият вазирлиги, Туризм ва спорт вазирлиги, Ахборот технологиялари ва коммуникацияларини ривожлантириш вазирлиги, Мудофаа вазирлиги ҳамда бошқа манфаатдор ташкилотлар Етакчилар томонидан маҳаллаларда тадбирлар ўтказилишида амалий ёрдам кўрсатиб борсин.

7. Белгилансинки:

ҳар чоракда маҳаллада ёшлар сиёсатини самарали амалга оширишда юқори натижадорликка эришаётган мамлакат бўйича энг илғор **100 нафар Етакчилар бир ойлик иш ҳақиға тенг миқдорда** бир марталик пул мукофоти билан тақдирланади;

фаолиятини самарали ташкил этаётган, ўзининг шахсий фазилатлари билан ёшларга намуна бўлаётган ва уларга етакчилик қилаётган **Етакчилар “Янги Ўзбекистон ислохотчиси” кўкрак нишони билан тақдирланади.**

8. Шундай тартиб ўрнатилсинки, унга мувофиқ **2022 йил 1 мартдан** бошлаб:

1-иловада кўрсатилган ёрдам турлари **Етакчининг тавсияси асосида** берилади;

14. Етакчининг ойлик иш ҳақи миқдори у бириктирилган маҳалладаги хонадонлар сонига мутаносиб равишда қуйидагича белгилансин:

хонадонлар сони 500 тагача бўлган маҳаллада – меҳнатга ҳақ тўлашнинг энг кам миқдорининг **5 баравари** миқдорида;

хонадонлар сони 501 тадан 1 000 тагача бўлган маҳаллада – меҳнатга ҳақ тўлашнинг энг кам миқдорининг **5,5 баравари** миқдорида;

хонадонлар сони 1 000 тадан ортиқ бўлган маҳаллада – меҳнатга ҳақ тўлашнинг энг кам миқдорининг **6 баравари** миқдорида.

Ёшлар ишлари агентлигига фаолият самарадорлиги кўрсаткичларидан келиб чиқиб, Етакчиларни **ҳар чорак** якуни бўйича **ойлик иш ҳақининг 50 фоизигача миқдорда мукофотлаш** ҳуқуқи берилсин.

15. Белгилансинки:

бошқа ҳудудлардан келиб ўз фаолиятини олиб бораётган Етакчи учун **базавий ҳисоблаш миқдорининг икки бараваригача бўлган миқдорда турар жой ижара тўлови қоплаб** берилади;

йил якуни бўйича ўзига бириктирилган ҳудудда юқори натижаларга эришган Етакчиларга ипотека кредити асосида сотиб олинаётган ўй-жой қийматининг **50 фоизи миқдорида**, бироқ Ўзбекистон Республикаси Президентининг 2021 йил 9 декабрдаги ПФ–33-сон Фармонида мувофиқ белгиланадиган ўй-жой ҳисобланган қийматининг **50 фоизидан юқори бўлмаган миқдорда субсидия** берилади;

ушбу қарорнинг 7-банди иккинчи хатбошиси, 14-банди ва ушбу банднинг иккинчи ва учинчи хатбошиларида назарда тутилган тадбирларнинг молиялаштирилиши белгиланган тартибда **Давлат бюджети** ҳисобидан амалга оширилади;

Етакчи лавозимида ишга қабул қилинган шахсларнинг **ҳарбий ва махсус ўнвонлари сақлаб қолинади**, Етакчи лавозимидаги иш стажининг навбатдаги ҳарбий ва махсус ўнвонлар олишда ҳисобга олинади, шунингдек, уларга олдинги иш жойига қайтганида қонунчиликда белгиланган барча имтиёзлар татбиқ этилади;

қонунчилик ҳужжатларига мувофиқ кадрларнинг амалдаги захирасини шакллантириш ваколатига эга бўлган вазирлик ва идоралар Етакчи лавозимида ишга қабул қилинган ходимларини кадрларнинг амалдаги захирасига киритиб сафарбар қилади.

Етакчиларнинг ҳамда Ёшлар ишлари агентлигининг маҳалла ва таълим муассасаларида ёшлар билан ишлаш бўлинмалари ходимларининг штат бирликлари умумий ўрта таълим мактабларидаги **10 008 нафар ёшлар етакчилари штат бирликларини қисқартириш** ҳисобидан шакллантирилади;

Етакчи лавозимига номзодлар туманлар (шаҳарлар) ҳокимлари бошчилигидаги танлов комиссияларини шакллантириш орқали **очиқ танловлар** асосида ишга қабул қилинади;

Етакчи лавозимига ёшлар билан ишлаш тажрибасига эга, ёшларни эргаштира оладиган, шахсий фазилатлари билан намуна кўрсатган, фидойи, садоқатли ва ватанпарвар номзодлар тайинланади.

12. Бандлик ва меҳнат муносабатлари вазирлиги Ўзбекистон касаба уюшмалари Федерацияси Кенгаши, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда штат бирликлари қисқартирилган ходимларнинг иш билан таъминланиши чораларини кўрсин.

13. Ўзбекистон Республикаси Президенти ҳузуридаги Давлат хизматини ривожлантириш агентлиги:

иш фаолияти натижаларига кўра Етакчиларни **Миллий кадрлар захирасига** киритсин, бунда ушбу Етакчилар танловсиз тўғридан-тўғри юқори лавозимларга ўтказилиши мумкин;

икки йиллик меҳнат фаолияти натижаларига кўра Етакчиларнинг лавозимини ошириш юзасидан вазирлик ва идоралар, шунингдек, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига таклиф киритсин;

Ўзбекистон Республикаси Президенти ҳузуридаги Давлат бошқаруви академияси ва Ёшлар ишлари агентлиги билан биргаликда **2022 йил 1 мартга** қадар Етакчилар учун янги жорий этилаётган тизимнинг туб моҳияти ва самарали фаолият кўрсатишини таъминлаш бўйича **ўқув семинарларини** ташкил этсин.

Ўқув семинарларини ташкил этиш билан боғлиқ харажатлар Ўзбекистон Республикаси Президенти ҳузуридаги Давлат хизматини ривожлантириш агентлиги қошидаги Давлат хизматини ривожлантиришни қўллаб-қувватлаш жамғармаси маблағлари ҳисобидан қопланиши белгилансин.

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари зиммасига ўқув семинарларини ўтказиш билан боғлиқ ташкилий масалаларни ҳал этиш вазифаси юклансин.

19. Маҳаллаларда ёшлар билан ишлаш масалаларини мувофиқлаштириш бўйича республика комиссияси 2-иловага мувофиқ таркибда ташкил этилсин ва унинг асосий вазифалари этиб қуйидагилар белгилансин:

Етакчиларнинг фаолиятини самарали ташкил этиш, уларга ўз вазифаларини лозим даражада амалга ошириши учун услубий кўмаклашиш; маҳаллаларда ёшлар билан ишлашнинг яхлит вертикал **“маҳалла – туман – вилоят – республика”** бошқарув тизимини яратиш бўйича ишлар самарадорлигини назорат қилиш;

Етакчилар фаолиятида вужудга келадиган муаммоларни ҳал қилиш юзасидан идоралараро ҳамкорликни таъминлаш.

20. Ёшлар ишлари агентлиги:

икки ҳафта муддатда Етакчининг асосий вазифалари, функциялари, ҳуқуқлари, ваколатлари ва жавобгарлигини белгилаш бўйича намунавий низомни тасдиқласин;

ҳар ҳафтада ҳокимлар ва Етакчилар иштирокида маҳаллаларда амалга ошириладиган ишларни муҳокама қилиб борсин;

Етакчилар фаолиятининг самарали ташкил этилишини таъминлаш мақсадида **ҳар ҳафтада** ҳудудларга чиқиб, маҳаллабай ишлаш тизими асосида амалга ошириладиган ишларни жойида ўрганиб борсин;

ҳар ойда амалга оширилган ишлар натижалари тўғрисида Маҳаллаларда ёшлар билан ишлаш масалаларини мувофиқлаштириш бўйича республика комиссиясига ахборот киритиб борсин;

икки ой муддатда манфаатдор вазирлик ва идоралар билан биргаликда қонунчилик ҳужжатларига мазкур қарордан келиб чиқадиган ўзгартириш ва қўшимчалар тўғрисида таклифларни Вазирлар Маҳкамасига киритсин.

21. Етакчиларни уларнинг вазифа ва фаолият йўналишлари билан боғлиқ бўлмаган йиғилиш ва бошқа тадбирларга жалб қилиш, уларнинг фаолиятига асоссиз аралашиш, тааллуқли бўлмаган вазифаларни юклаш тақиқлансин.

22. Қорақалпоғистон Республикаси Вазирлар Кенгаши, вилоятлар, Тошкент шаҳар ҳокимликлари Қорақалпоғистон Республикаси бюджети, вилоятлар ва Тошкент шаҳар, шунингдек, туманлар (шаҳарлар) маҳаллий бюджетларида шаклланган қўшимча манбаларнинг камида **15** фоизи миқдорида маблағларни **ҳар чорақда “Ёшлар дафтари”га** киритилган ёшларни қўллаб-қувватлаш жамғармасига ажратилишини қатъий таъминлаб борсин.

16. Ёшлар ишлари агентлиги Ахборот технологиялари ва коммуникацияларини ривожлантириш вазирлиги, Ўзбекистон Республикаси Президенти ҳузуридаги Давлат хизматини ривожлантириш агентлиги билан биргаликда **бир ой муддатда** Ёшлар ишлари агентлигига ажратилган бюджет маблағлари ҳисобидан ҳар бир Етакчининг **иш фаолиятини тўлиқ рақамлаштиради** ҳамда қуйидаги йўналишларни назарда tutuvchi **электрон рейтинг тизимини** (KPI) жорий этсин:

маҳаллада ёшларнинг бўш вақтини мазмунли ташкил этиш, маданий-маърифий ва спорт тадбирларини кунлик амалга ошириш ҳолати;

тадбирларда маҳалладаги ёшларни **тўлиқ қамраб олинганлик даражаси**;

“Ёшлар баланси”ни шакллантириш, “Ёшлар дафтари” ва “Ёшлар портали” электрон платформаларини рақамлаштириш даражаси;

хорижда юрган маҳалла ёшлари билан яқиндан алоқанинг йўлга қўйилганлиги.

17. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари **2022 йил 1 мартга қадар**:

Етакчилар учун қулай шароитга эга бўлган **хизмат хоналарини ажратсин** ва уларни **моддий-техник жиҳозлар** (мебель, компьютер тўплами, алоқа, Интернет ва бошқалар) билан таъминласин;

маҳаллий бюджет маблағлари ва қонунчилик ҳужжатлари билан тақиқланмаган бошқа манбалар ҳисобидан Етакчиларни “Ёшлар дафтари” ва “Ёшлар портали” электрон платформаларига уланган, масофадан туриб ҳисоботлар тақдим этиш ҳамда видеоконференцалоқа шаклида йиғилишларда иштирок этиш имконини берувчи **планшетлар** билан таъминласин.

Ёшлар ишлари агентлиги ҳамда Ахборот технологиялари ва коммуникацияларини ривожлантириш вазирлиги **икки ой муддатда** планшетларда фойдаланиладиган **дастурий таъминотни** ишлаб чиқсин ва Етакчиларга тақдим этсин.

18. Молия вазирлиги ушбу қарор билан ажратилиши лозим бўлган маблағлар Ўзбекистон Республикаси республика бюджетининг қўшимча даромад ва иқтисод қилинадиган маблағлари доирасида ажратилишини таъминласин.

23. Ўзбекистон Республикаси Президентининг айрим қарорларига 3-иловага мувофиқ ўзгартиришлар киритилсин.

24. Мазкур қарор ижросини самарали ташкил қилишга масъул ва шахсий жавобгар этиб Маҳаллаларда ёшлар билан ишлаш масалаларини мувофиқлаштириш бўйича республика комиссияси раиси **К.К. Куранбаев**, Ёшлар ишлари агентлиги директори **А.З. Саъдуллаев**, **Қорақалпоғистон Республикаси Вазирлар Кенгаши Раиси**, вилоятлар ва Тошкент шаҳар ҳокимлари белгилансин.

Қарор ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикасининг Бош вазири **А.Н. Арипов** ва Ўзбекистон Республикаси Президенти Администрацияси раҳбари **З.Ш. Низомиддинов** зиммасига юклансин.

Амалга оширилаётган чора-тадбирлар тўғрисида **ҳар олти ойда** Ўзбекистон Республикаси Президентига ахборот киритиб борилсин.

**Ўзбекистон Республикаси
Президенти**



Ш. Мирзиёев

Тошкент шаҳри